

Канон молебный ко Пресвятой Богородице

поемый во всякой скорби душевной и
обстоянии

**Моли́твами свя́тых оте́ц на́ших,
Го́споди Иису́се Христе́ Бо́же
наш, поми́луй нас. Ами́нь.**

Трисвятое.

Пресвята́я Тро́ице:

Слава, и ныне:

Отче наш:

Го́споди, поми́луй. (*12 раз.*)

Слава, и ныне:

Приидите, поклонимся (*Трижды.*)¹

Псалом 50.

¹ Полный текст этих молитв см. в разделе «Молитвы утренние»

КАНОН, глас 8-й

Творение Феостирикта монаха

Песнь 1

Ирмос: Во́ду проше́д я́ко су́шу, и егѣ́петскаго зла избежа́в, израѣ́льтянин вопи́яше: изба́вителю и Бо́гу на́шему по́йм.

Припев: **Пресвятая Богородице, спаси нас.**

Мно́гими содержи́мь напа́стьми, к Тебе́ прибега́ю, спасе́ния иский: о, Ма́ти Сло́ва и Де́во, от тяжких и лю́тых мя спаси́.

Припев: **Пресвятая Богородице, спаси нас.**

Страсте́й мя смуща́ют прило́зи, мно́гаго уны́ния испо́лнити мою́

ду́шу; умири́, О́трокови́це,
тишино́ю Сы́на и Бо́га Твоего́,
Всенепо́рочная.

Слава: Спа́са ро́ждшую Тя и
Бо́га, молю́, Де́во, изба́виться
ми лю́тых: к Тебе́ бо ны́не
прибегáя, протира́ю и ду́шу и
помышле́ние.

И ны́не: Неду́гующа те́лом и
душе́ю, посеще́ния
Божество́ннаго и промы́сления
от Тебе́ сподо́би, еди́на
Богома́ти, я́ко благáя, Благáго
же Родите́льница.

Песнь 3

Ирмос: Небе́снаго кру́га Верхотво́рче,
Го́споди, и Це́ркве Зижди́телю, Ты ме́не
утверди́ в любви́ Твое́й, желáний кра́ю,
ве́рных утвержде́ние, еди́не
Человеколю́бче.

Припев: Пресвятая Богородице,
спаси нас.

Предста́тельство и покрóв
жѣ́зни моея́ полагаю́ Тя,
Богородѣ́тельнице Дѣ́во: Ты мя
окорми́ ко приста́нищу Твоему́,
благѣ́х вино́вна; вѣ́рных
утвержде́ние, еди́на Всепѣ́тая.

Припев: Пресвятая Богородице,
спаси нас.

Молю́, Дѣ́во, душе́вное
смущѣ́ние и печа́ли моея́ бу́рю
разори́ти: Ты бо, Богоневѣ́стная,
нача́льника тишины́ Христа́
родила́ еси́, еди́на Пречи́стая.

Слава: Благоде́теля ро́ждши
до́брых вино́внаго, благоде́яния
бога́тство всем источи́, вся бо

мо́жеши, я́ко си́льнаго в
кре́пости Христа́ ро́ждши,
Богоблаже́нная.

И ныне: Лю́тыми недúги и
боле́зненными страстьми́
истязáему, Дéво, Ты ми помози́:
исцелéний бо неоскúдное Тя
знаю сокро́вище,
Пренепоро́чная, неиждивáемое.

Спаси́ от бед рабы́ Твоя́,
Богоро́дице, я́ко вси по Бо́зе к
Тебе́ прибега́ем, я́ко неруши́мей
стенé и предста́тельству.

При́зри благосéрдием, всепéтая
Богоро́дице, на моé лю́тое
телесé озлоблéние, и исцели́
души́ моея́ болéзнь.

Господи, помилуй. (*Трижды.*)

Слава, и ныне:

Седален, глас 8-й

**Яко всенепорóчная Невéсто
Творцú, я́ко неискусомúжня
Ма́ти Изба́вителя, я́ко
прия́телище сúщи Уте́шителя
всепéтая, беззакóнию мя сúща
сквéрно жили́ще, и бесóм
игра́лище в ра́зуме бы́вша,
потщýся и сих злоде́йствия мя
изба́вити, свéтло жили́ще
добродéтельми соде́лавши,
светода́тельная и нетлénная:
разжени́ о́блак страсте́й, и
вы́шняго причáстия сподо́би, и
свéта невечéрняго моли́твами
Твои́ми.**

Песнь 4

Ирмос: Услýшах, Го́споди, смотре́ния
Твоего́ та́инство, разуме́х дела́ Твоя́ и
просла́вих Твое́ Божество́.

Припев: Пресвятая Богородице,
спаси нас.

Страстѣй моих смущѣние,
кормчию рождающая Господа, и
бурю утиши моих прегрешений,
Богоневѣстная.

Припев: Пресвятая Богородице,
спаси нас.

Милосердия Твоего бездну
призывающе подаждь ми, яже
Благосердаго рождающая и Спаса
всех поющих Тя.

Припев: Пресвятая Богородице,
спаси нас.

Наслаждающися, Твоих благодарственное	Пречистая, дарований, воспеваем
---	---------------------------------------

пéние, вéдуще Тя Богомáтерь.

Слава: На одрэ болéзни моея́ и
нéмощи низлежа́щу ми, я́ко
благолюбíва, помозí,
Богорóдице, еди́на Присноде́во.

И ныне: Надéжду и утверждéние
и спасéния стéну недви́жиму
имúще Тя, Всепéтая, неудобства
вся́каго избавля́емся.

Песнь 5

Ирмос: Просветí нас повелéнии
Тво́ими, Го́споди, и мы́щею Тво́ею
высо́кою Твой мир пода́ждь нам,
Человеколю́бче.

Припев: Пресвятая Богородице,
спаси нас.

Испóлни, Чíстая, весéлия
сéрдце моё, Твою́ нетлénную
даю́щи ра́дость, весéлия

ро́ждшая Вино́внаго.

Припев: **Пресвятая Богородице,
спаси нас.**

**Изба́ви нас от бед,
Богоро́дице Чи́стая, вéчное
ро́ждши избавле́ние, и мир,
всяк ум преимúщий.**

**Слава: Разреши́ мглу
прегрешéний мо́их, Богоневéсто,
просвещéнием Твоея́ свéтлости,
Свет ро́ждшая Божéственный и
превéчный.**

**И ныне: Исцели́, Чи́стая, души́
моея́ неможе́ние, посещéния
Твоего́ сподо́бльшая, и здра́вие
моли́твами Тво́ими пода́ждь ми.**

Песнь 6

Ирмос: Моли́тву пролию́ ко Го́споду, и
То́му возвещу́ печа́ли моя́, я́ко зол
душа́ моя́ испо́лнися, и живо́т мой а́ду
приблѣ́жися, и молю́ся я́ко Ио́на: от
тли, Бо́же, возведи́ мя.

Припев: Пресвятая Богородице,
спаси нас.

Сме́рти и тли я́ко спасл есть,
Сам Ся изда́в сме́рти, тлѣ́нием
и сме́ртию моѐ естество́, я́то
бы́вшее, Де́во, моли́ Го́спода и
Сы́на Твоего́, враго́в злоде́йствия
меня́ изба́вити.

Припев: Пресвятая Богородице,
спаси нас.

Предста́тельница Тя живо́та
ведем и храни́тельница тве́рду,

Де́во, и напа́стей реша́щу молвы́,
и нало́ги бесо́в отгоня́юще; и
молю́ся всегда́, от тли страсте́й
мои́х изба́вити мя.

Слава: Я́ко стéну прибéжища
стяжа́хом, и душ
всесоверше́нное спасéние, и
простра́нство в ско́рбех,
Отрокови́це, и просвещéнием
Твои́м при́сно ра́дуемся: о,
Влады́чице, и ны́не нас от
страсте́й и бед спаси́.

И ны́не: На одре́ ны́не
немо́щству́яй лежу́, и несть
исцелéния плóти моéй: но, Бо́га
и Спа́са ми́ру и Изба́вителя
неду́гов ро́ждшая, Тебе́ молю́ся,
Благо́й: от тли неду́г возста́ви
мя.

Господи, помилуй. (*Трижды.*)

Слава, и ныне:

Кондак, глас 6-й

Предста́тельство христи́ан
непосты́дное, ходата́йство ко
Творцу́ непрело́жное, не прэ́зри
gréшных моле́ний гла́сы, но
предварí, я́ко Благая́, на по́мощь
нас, ве́рно зову́щих Ти; ускори́
на моли́тву, и потщи́ся на
умоле́ние, предста́тельствующи
при́сно, Богоро́дице, чту́щих Тя.

Икос

Простри́ длáни Твоя́, и́миже
всех Влады́ку я́ко младе́нца
прия́ла еси́, за мно́жество
бла́гости; не оста́ви нас, всегда́
наде́ющихся на Тя, бо́дренною

Твоёю моли́твою и неисчётною
просты́нею² уще́дри нас и
пода́ждь ду́шам на́шим
милосе́рдие Твое, во ве́ки
источа́ющи: Тебе́ бо и́мамы,
gréшнии, Засту́пницу от
находя́щих на ны бед и зол.
Но я́ко иму́щи милосе́рдия
щедро́ты, ускори́ на моли́тву и
потщи́ся на умоле́ние,
предста́тельствующи при́сно,
Богоро́дице, чту́щих Тя.

Песнь 7

Ирмос: От Иуде́и доше́дше о́троцы, в
Вавило́не иногда́, ве́рою Тро́ическою
пла́мень пе́щный попра́ша, пою́ще:
отце́в Бо́же, благослове́н еси́.

² прощением

Припев: Пресвятая Богородице,
спаси нас.

Нáше спасéние я́коже
восхотéл еси́, Спа́се, устро́ити,
во утрóбу Дéвыя вселíлся еси́,
Ю́же мíру предста́тельницу
показа́л еси́: о́тец нáших Бо́же,
благословéн еси́.

Припев: Пресвятая Богородице,
спаси нас.

Воли́теля мíлости, Егóже
родила́ еси́, Ма́ти чíстая, умоли́
изба́виться от прегрешéний и
душе́вных скверн ве́рою
зову́щим: о́тец нáших Бо́же,
благословéн еси́.

Слава: Сокро́вище спасéния и
Исто́чник нетлéния, Тя

ро́ждшую, и столп
утвержде́ния, и дверь покая́ния,
зову́щим показа́л еси́: оте́ц
на́ших Бо́же, благословен еси́.

И ныне: Телесны́я сла́бости и
душе́вныя недуги,
Богороди́тельнице, любóвию
приступа́ющих к кро́ву Твоему́,
Де́во, исцели́ти сподо́би, Спа́са
Христа́ нам ро́ждшая.

Песнь 8

Ирмос: Царя́ Небе́снаго, Его́же пою́т
во́и Ангельстии, хвали́те и превозноси́те
во вся ве́ки.

Припев: Пресвята́я Богороди́це,
спаси нас.

По́мощи я́же от Тебе́
тре́бующия не презри, Де́во,

**пою́щия и превозно́сящия Тя во
вѣ́ки.**

***Припев:* Пресвятая Богородице,
спаси нас.**

**Немо́жение ду́шѣ мое́ѣ
исцеля́еши и телѣ́сныя болѣ́зни,
Дѣ́во, да Тя просла́влю, Чи́стая,
во вѣ́ки.**

***Слава:* Исцелѣ́ний бога́тство
излива́еши вѣ́рно пою́щим Тя,
Дѣ́во, и превозно́сящим
неизрече́нное Твое́ рождество́.**

***И ныне:* Напа́стей Ты прило́ги
отгоня́еши и страсте́й нахо́ды,
Дѣ́во: те́мже Тя поём во вся
вѣ́ки.**

Песнь 9

Ирмос: Вои́стинну Богоро́дицу Тя
испове́дуем, спасе́ннии Тобо́ю, Де́во
чи́стая, с безплóтными ли́ки Тя
велича́юще.

Припев: Пресвята́я Богороди́це,
спаси нас.

То́ка слез мо́их не отврати́ся,
Я́же от вся́каго лица́ вся́ку
слéзу отъе́мшаго, Де́во, Христа́
ро́ждшая.

Припев: Пресвята́я Богороди́це,
спаси нас.

Ра́дости моё́ се́рдце испо́лни,
Де́во, Я́же ра́дости прие́мшая
исполне́ние, грехо́вную печа́ль
потребля́ющи.

Припев: Пресвятая Богородице,
спаси нас.

Приста́нище и предста́тельство
к Тебе́ прибега́ющих бу́ди,
Де́во, и стена́ неруши́мая,
прибе́жище же и покрóв и
весéлие.

Слава: Све́та Твоего́ заря́ми
просвети́, Де́во, мрак невéдения
отгоня́ющи, благове́рно
Богоро́дицу Тя испове́дающих.

И ныне: На ме́сте озлобле́ния
немо́щи смири́вшагося, Де́во,
исцели́, из нездра́вия во
здра́вие претворя́ющи.

Молитвы ко Пресвятой Богородице
Царі́це моя́ преблагáя, надéждо
моя́ Богорóдице, приятелище
сі́рых и стрáнных
предстáтельнице, скорбáщих
ра́досте, обі́димых
покрові́тельнице! Зрі́ши мою́
бедú, зрі́ши мою́ скорбь,
помозі́ ми я́ко не́мощну,
окормі́ мя я́ко стрáнна. Обі́ду
мою́ вéси, разреши́ ту, я́ко
во́лиши: я́ко не й́мам ины́я
по́мощи ра́зве Тебе, ни ины́я
предстáтельницы, ни благі́я
утéшительницы, то́кмо Тебе́, о
Богомáти, я́ко да сохрани́ши мя
и покрýєши во вéки векóв.
Амі́нь.

К кому́ возопиú, Влады́чице?

К кому́ прибѣгну в гóрести
моёй, áще не к Тебе, Царі́це
Небѣ́сная? Кто плач мой и
воздыхáние мое при́мет, áще
не Ты, Пренепорóчная, надѣ́ждо
христиáн и прибѣ́жище нам,
грѣ́шным? Кто пáче Тебѣ́ в
напáстех защиті́т? Услы́ши ўбо
стенáние моё́, и приклоні́ ўхо
Твоё́ ко мне, Влады́чице Мáти
Бóга моего́, и не прѣ́зри менѣ́,
трѣ́бующаго Твоея́ пóмощи, и
не отрі́ни менѣ́, грѣ́шнаго.
Вразумі́ и научі́ мя, Царі́це
Небѣ́сная; не отступі́ от менѣ́,
раба́ Твоего́, Влады́чице, за
роптáние моё́, но бۇ́ди мне
Мáти и застۇ́пница. Вруча́ю
себѣ́ мýлостивому покрóву
Твоемý: приведи́ мя, грѣ́шнаго,

к тѣхлой и безмятѣжной жѣзни,
да плачуся о гресѣх моих. К
кому́ бо прибѣгну повѣнный аз,
аще не к Тебѣ, упованію и
прибѣжищу грѣшных, надѣждою
на неизречѣнную мѣлость Твою
и щедроты Твоя́ окриляемъ? О,
Владычице Царѣце Небѣсная!
Ты мне упованіе и прибѣжище,
покровъ и заступленіе и
помощь. Царѣце моя́ преблагая
и скорая заступнице! Покрый
Твоимъ ходатайствомъ моя́
прегрешѣнія, защити́ мене́ от
врагъ вѣдимыхъ и невѣдимыхъ;
умягчи́ сердца́ злыхъ человекъ,
возстающихъ на мя. О, Мати
Господа моего́ Творца́! Ты еси́
корень дѣвства и неувядаемый
цвет чистоты. О,

Богородительнице! Ты подаждь
ми по́мощь немощствую́щему
плотскѣми страстьми́ и
болѣзную́щему сѣрдцемъ, еди́но
бо Твое́ и с Тобо́ю Твоего́
Сы́на и Бо́га на́шего ѿмамъ
заступле́ние; и Твоѣмъ
пречу́днымъ заступле́ниемъ да
изба́влюся отъ вся́кия беды́ и
напа́сти, о Пренепоро́чная и
Пресла́вная Бо́жия Ма́ти
Марі́е. Те́мже со упова́ниемъ
глаго́лю и вопи́ю: ра́дуйся,
благода́тная, ра́дуйся,
обра́дованная; ра́дуйся,
преблагослове́нная, Госпо́дь с
Тобо́ю.

Досто́йно есть ѿко́ вои́стину
блажи́ти Тя Богоро́дицу,

Присноблаже́нную и
Пренепоро́чную и Ма́терь Бо́га
на́шего. Честне́йшую Херуві́м и
сла́внейшую без сравне́ния
Серафі́м, без ислéния Бо́га
Сло́ва ро́ждшую, су́щую
Богоро́дицу Тя велича́ем. (*Поклон*)

Сла́ва, и ны́не:

Го́споди, поми́луй. (*Трижды.*)

Господи, благослови.

Го́споди, Иису́се Христé, Сы́не
Бо́жий, моли́твами Пречи́стыя
Твоея́ Ма́тере, преподо́бных и
богоно́сных оте́ц на́ших и всех
святы́х поми́луй и спаси́ нас, я́ко
Благ и Человеколю́бец. Ами́нь.